

四庫全書

子部

欽定四庫全書

格致鏡原卷四十三

大學士陳元龍撰

禮器類一

鼎

總論 說文鼎三足兩耳和五味之彝鼎也 周易鼎

黃耳金鉉利貞玉鉉大吉無不利 爾雅鼎絕大謂之

鬲最大者 鬲弁上謂之鬲鼎缺上而小口 附耳外謂之鉉鼎耳在表 款

足者謂之鬲鼎曲脚也 周禮王日一舉鼎十有二物皆有

俎注牢鼎九陪鼎三

禮書鼎之器於象為備鼎之齊

於金為多下有足上有耳有鬲以覆之有鉉以舉之詩
稱鼐鼎及鼐士虞禮有上鼎中鼎下鼎有司徹司馬舉
羊鼎司士舉豕鼎魚鼎則鼎之體有大小侈儉之別而
用有羊牛豕魚之異天子諸侯有牛鼎大夫有羊鼎士
有豕鼎魚鼎而已上得兼下下不得兼上則鼐鼎特王有
之也然所謂陪鼎羞鼎皆鉶鼎也鉶鼎所以實羹者也
鉶羹所以具五味者也自羹言之曰鉶自器言之曰鉶

鼎也其陪正鼎曰陪鼎以其為庶羞曰羞鼎其實一也
羣書考索按禮記器用圖云冪者若束若編凡鼎冪
盖以茅為長則束本短則編其中央 漢郊祀志鼎大
異于衆鼎文縷無款識注韋昭曰款刻也師古曰識記
也 稗史類編近世所存古鼎或有容一升半升者考
其款識則真古物也亦謂之鼎鼎乃大烹之器豈爾耶
此盖古之祭物名曰從彝其器則不一盖以貯已熟之
物以祭宗廟象鼎之器形而實非鼎也 唐五行志天

寶五載四月宰臣李適之常列鼎具膳羞中夜鼎躍出
相鬪不解鼎耳及足皆折

歷代鼎 郊祀志昔泰帝伏羲與神鼎一一者一統天
地萬物所係象也 晉中興書神鼎者仁器也能輕能
重能息能行不炊而沸不汲自盈涸縕之氣自然所生
也亂則藏於深山文明應運而至故禹鑄鼎以擬之

郊祀志黃帝作寶鼎三象天地人 瑞應圖寶鼎金銅
之精知吉凶存亡不爨自沸不炊自熟不汲自滿不舉

自藏不遷自行 郊祀志黃帝采首山銅鑄鼎成有
龍垂胡髯迎黃帝上昇因名其處曰鼎湖 真誥軒轅
自採首山之銅以鑄鼎虎豹百禽為之視火參鑪鼎成
而軒轅崩葬喬山五百年後山崩空室無尸唯寶劍赤
舄在耳一旦又失所在也 虞荔鼎錄金華山黃帝作
一鼎高一丈三尺大如十石甕像龍騰雲百神螭獸滿
其中文曰真金作鼎百神率服複篆書三足 以上三
皇鼎
瑞應圖禹治水收天下美銅以為九鼎象九州王者興

則出哀則去 拾遺記禹鑄九鼎五者以應陽法四者

以象陰數使工師以雌金為陰鼎以雄金為陽鼎鼎中
常滿以占氣象之休咎 孫暢之述書禹鑄九鼎人不

覺鼎移而日移五步自周郊鄆已來東南移不知今至

何國也道人商行傳曰鼎在罽賓於陽州是西北

以上
夏鼎

說苑湯之時大旱七年雒圻川竭煎沙爛石於是使

人持三足鼎祝山川教之祝曰政不節耶使民疾耶盖

辭未已而天下大雨 博古圖父乙鼎三足銘三十字

瞿父鼎三足銘二字子鼎三足銘一字庚鼎三足銘一
字癸鼎三足銘一字乙毛鼎三足銘二字召夫鼎四足
銘八字持刀父巳鼎三足銘三字秉仲鼎三足銘四字
素腹寶鼎三足銘五字是器耳為絢狀腹足無紋渾厚
純質若癸鼎三足銘八字象形饗饗鼎三足銘一字按
此鼎款識純古髣髴饗饗之形立戈鼎三足銘一字立
戈父甲鼎三足銘三字象形鼎三足銘一字公非鼎三
足銘一字亞虎父丁鼎四足銘四字亞形內著虎象冊

命鼎四足銘十一字父巳鼎三足銘三字一字作禾形
是器耳足純素三面為饗饗而間之雷紋文鏤與父巳
彙近似之父癸鼎二一三足銘四字作兕形一銘三字
作立戈狀蠆鼎三足銘一字作蠆形魚鼎銘三字月魚
基伯申鼎三足銘五字體純朴素綦鼎三足銘三字純
外隱起雲雷狀以上商鼎禮明堂位崇鼎貫鼎天子之器
也注崇貫皆國名博古圖文王鼎三足銘七字此為
周公作祭文王之器其制足象雌形上為鼻下為尾高

而且長其兩耳亦鏤文其身四周隱起獸面蓋饗饗之
象 鼎錄太公於渭水得玉璜鑄一鼎刻其文曰璜鼎
郊祀志牛鼎受一斛天子飾以黃金諸侯白金有鼻
目以銅為之三足 羣書考索牛鼎口徑底徑及深俱
一尺五寸三分足如牛每足上以牛首飾之羊豕二鼎
亦如之所謂周之禮飾器各以其類之義也羊鼎受五
斗大夫亦以銅為之無飾今謂大夫祭用少牢故無牛
鼎口徑底徑俱一尺深一尺一寸豕鼎受三升口徑底

徑皆八寸深九寸強士以鐵為之無飾今謂士祭用特牲故無羊鼎案聘禮云牢鼎九設于西階前九鼎者牛一羊二豕三魚四腊五腸胃全鼎六膚七鮮魚八鮮腊九設局幕今惟牛羊豕三鼎各自象其形自魚腊已下並無其制以其物之細雜無所象故也 左傳晉叔向曰饒鼎之銘曰昧爽丕顯後世猶怠 左傳昭十六年齊伐徐徐賂以甲父之鼎注甲父古國名 左傳鄭人鑄刑書於鼎以為國之常法也 博古圖蛟螭鼎三皆

三足無銘其一耳有粟紋腹有垂花左右蟠以蛟螭而足如之其一以牛足為三足耳作綯紐周以蛟螭之飾其一耳足純素緣之外作蛟螭蟠紆之狀比他鼎侈口而底稍平蟠夔鼎二皆三足無銘素耳獸足腹著蟠夔間以雷紋夔龍雷紋鼎三足無銘三面夔龍形間以雷紋夔龍侈口鼎三足無銘純緣外作夔龍狀侈口製作華妙饗饗鼎三足無銘素耳直足不設文飾純緣作雷篆間以饗饗之狀素饗饗鼎三足無銘製作渾厚略無

華藻腹間飾以饗饗循環回顧三足為螭夔獸足鼎三
皆三足無銘其一獸齧其耳腹著旋紋純緣之下飾以
蟠虬復以獸為之足其一純緣周以雲紋而足狀以獸
與前器頗相類其一足為獸形純緣脰腹之間遍著蟠
虬兩耳偃然如翼鱗紋鼎二皆三足無銘耳為對獸腹
著鱗紋純緣連絡間以蟠螭獸緣素腹鼎二皆三足無
銘其一耳腹純素緣足作獸紋其一獸飾其緣純素其
腹象簠鼎四足無銘器方如簠足作獸蹠旋雲鼎三足

無銘足空耳直純緣作雲氣回旋足著饕餮形蟠虺雷
紋鼎有蓋三足無銘周以蟠虺間之雷紋其蓋有足斜
方雲雷鼎三足無銘純緣飾以夔龍腹作斜方之形實
以雲雷間以細乳山紋垂花鼎三足無銘以山紋垂花
為飾垂花鼎二皆三足無銘一偃耳蹄足腹著交螭下
有垂花備成之文一圜而上拊腹著饕餮其垂花作蟬
紋狀花足鼎四足無銘足飾以花腹作直紋緣為夔龍
雷帶鼎三足無銘純緣下飾雷帶而足與腹間皆純素

無紋飾旋紋鼎三足無銘耳足上下純素惟腹間飾以
旋紋有宛轉回旋之狀純素鼎三足無銘耳足不飾紋
鏤土花沁暈如紫玉色中鼎三足銘四字純素不加文
鏤銅色沁暈如碧玉製作典古周器中最為純厚者南
宮中鼎三皆四足一銘五十七字二銘三十九字穆公
鼎三足銘二百三字象鼎三足銘一字作象形是器腹
飾交夔兩耳外作連珠紋純緣不加蟲鏤竊鼎三足銘
二字單父乙鼎四足銘五字益鼎三足銘四字鮮鼎三

足銘狀一魚形款識簡古不加紋鏤仲偁父鼎三足銘
三十五字太叔鼎三足銘四字乙公鼎三足銘一十一
字嬭氏鼎三足銘一十三字寔父鼎三足銘八字虢生
鼎三足銘十六字絲駒父鼎三足銘九字通體純素豐
鼎四足銘六字是器如簋比他器特小師秦宮鼎銘四
十七字龍鼎三足無銘著象若龍蟠螭鼎二耳三足無
銘二器腹間飾以蟠螭狀隱起觚稜兩耳偃而純素三
足各設獸首製作悉同晉姜鼎三足銘一百二十有一

字王伯鼎四足銘五字季嬭鼎三足銘四十九字伯碩
父鼎三足銘五十字耳足皆素純緣之外飾以蟠夔腹
間比以鱗紋史頊鼎三足銘四十三字耳足純素純緣
之下以雷紋為飾父巳鼎三足銘二十八字是器獸足
素耳純緣之外作螭紋而雷紋間之言肇鼎三足銘一
十字足短而婆娑其腹耳足純素純緣外有蛟螭之飾
雖公緘鼎三足銘四十一字其腹出雲氣足著饗饗制
甚古而韻不凡叔液鼎三足銘二十三字耳作雷形純

緣飾以立螭足作蹄狀單從鼎四足銘五字兩耳方而四足上飾獸面腹上雙鳳形間以雷紋鳳狀舉鼎三足銘一字耳足與腹皆純素而三面有饗饗狀間雷紋威君鼎三足銘七字腹作蟠虬耳飾以雲紋足皆狀獸蓋盛飼之器伯卣父鼎三足銘十有八字獸飾足腹間蟠螭兩耳純緣皆素節鼎三足銘一字耳足純素純緣之下起六觚稜為三獸面以蟠夔雷紋為飾腹又作垂花中著蟬紋蟲鏤色瑟齊斧史鼎三足銘十九字耳緣著

雲雷紋足作蹄狀增鏤花子父舉鼎三足銘三字耳腹皆素純緣外飾以夔龍雷篆足亦作夔龍狀百乳方鼎二皆四足無銘二器方之諸鼎特為高大所同者周以乳形純緣之下環以饗饗所不同者前一器乃夔足而眉作蛇虺蟠屈之狀後一器足亦作夔形而鼻稜四翼屹起形制質朴實可寶於後世蟠虺鼎二皆三足無銘一有蓋以蟠虺為飾三足皆獸狀腹周以絢紐蓋頂設六拱垂環一闕蓋平底足素無紋純緣飾蟠虺之形蟠

虺鼎三足無銘耳足純素周腹作蟠虺狀獸足蟠夔鼎
三足無銘通體作蟠夔狀兩耳飾以雷紋足為獸首口
侈而圓蟬紋鼎三皆三足無銘一飾以饗饗間以雷篆
下以蟬紋垂花之形一腹作蟬紋間以夔龍一著以夔
龍垂以蟬紋而下極銳蟠夔平蓋鼎三足無銘鏤蟲精
妙腹著蟠夔蓋平上設四環周以雷紋圜腹饗饗鼎三
足無銘圜腹著饗饗加以夔龍盤雲饗饗鼎三足無銘
耳腹皆素純緣之下飾三饗饗有鼻屹然而起間作雲

氣

以上周鼎

史記秦武王與孟說舉龍文鼎絕臚而死

稗史類編秦丞相樗里子作一鼎文曰智囊獨足古文大篆書荀況在嵩溪作一鼎大如五石甕表裏皆紀兵法大篆書之 廣博物志張儀伐蜀鑄一鼎高三尺文曰定蜀大篆書李斯為丞相鑄一鼎其文曰上丞相鼎埋於上蔡東門

以上秦鼎

鼎錄漢孝景帝鑄一鼎名曰食

鼎高二尺銅金銀雜為之形若瓦甑無足中元六年造

其文曰五熟是滋君王膳之小篆書

漢書漢武得汾

陰寶鼎藏於甘泉羣臣上壽賀陛下得周鼎吾丘壽王
曰非周鼎上怒對曰天祚有德寶鼎自出此天以與漢
是漢鼎非周鼎也 鼎錄元鼎元年汾陰得寶鼎即吾
丘壽王所識之鼎高一丈二尺受十二石雜金銀銅錫
為之四面蛟龍兩耳能鳴三足馬蹄刺山形奇怪之象
紀靈圖未然之狀其文曰壽考天地百祥臻侍山伏其
靈海伏其異此銘在底下又別有銘或浮或沉皆古文
複篆此上古之鑄造也總有九枚 鼎錄武帝登泰山

鑄一鼎高四尺銅銀為之其形如甕有三足太始四年造其文曰登於泰山萬壽無疆四海寧謐神鼎傳芳大篆書昭帝元平元年於藍田覆車山鑄一鼎高三尺受五斗刻其文曰宜君王和四方調滋味去腥傷小篆書三足廢帝賀以天鳳六年登位廢為海昏侯鑄一小鼎貯酒其形若甕四足受二斗其文曰長滿上小篆書宣帝甘露元年於華山僊掌鑄一鼎高五尺受四斗擬承甘露刻其文曰萬國伏貽長久鑄神鼎承天酒三足小

篆書又建章宮銅人生毛以為美祥作一金鼎埋之本
宮元帝初元二年鑄一鼎大如甕無足其文曰皇帝膳
鼎小篆書成帝綏和元年匈奴平鑄一鼎其文曰寇盜
平黃河清八分書三足高五尺六寸哀帝元壽元年鑄
一鼎貯酒高四尺三足其文曰羣臣元日用醴鼎小篆
書平帝元始五年鑄一鼎受二斗其文曰藥鼎三足八
分書漢官儀開陽門夜直樓上帝因作一鼎其文曰
柱鼎一足如馬蹄南越書熙安縣山下有神鼎天清

水澄則見鼎刺史劉道錫常使繫其耳而牽之耳脫而
鼎潛既而執紼者莫不疾病蓋尉佗之鼎 鼎錄蕭何
為丞相鑄一鼎大如三石甕自表已功其文曰紀功鼎
亦是何自作署書體四足車千秋為丞相鑄一鼎文曰
車丞相鼎八分書孔光拜丞相鑄一鼎文曰丞相博山
侯大篆書王莽建國元年鑄一大鼎高一丈其文曰建
國鼎莽自書理之漸臺又作一鼎其文曰君臣之鼎並
小篆書三足 鼎錄後漢光武建元元年鑄一鼎其文

曰定天下萬物伏小篆書三足高九尺明帝永平十年
鑄一鼎於洛水高六尺其文曰蛟龍伏大篆書三足又
鑄一鼎於穀水高五尺其文曰穀洛小篆書四足章帝
元和二年於北嶽鑄一鼎高四尺無足其文曰鎮地鼎
小篆書安帝延光四年鑄一鼎於少室山其文曰承露
鼎小篆書四足順帝永建六年鑄一鼎於伊水名曰魚
鼎高四尺三足靈帝嘉平元年鑄一大鼎埋之鴻都門
其文曰儒鼎古書三足楊震為太尉作一鼎其文曰太

尉鼎古隸書 實憲傳南單于於漠北遺憲古鼎容五
斗其傍銘曰仲山甫鼎萬年子子孫孫永保用憲乃上
之 鼎錄胡廣鑄一鼎其文曰孝子鼎八分書王允鑄
一鼎曰千里八分書王仲子為大司徒鑄一鼎其文曰
司徒鼎大篆書王郎為司空鑄一鼎其文曰司空鼎複
篆書董卓為太師鑄一鼎其文曰太師鼎古隸書蔡伯
喈為侍中封高陽侯作一鼎記漢家歷數邕自書藏於
泰山 稗史類編張陵在雲臺山得仙作一鼎寫丹經

埋於雲臺山下 博古圖考成鼎有蓋三足蓋與器銘
共五十六字好時供厨鼎有蓋三足蓋與器銘共五十
八字汾陰宮鼎有蓋三足蓋與器銘共五十四字定陶
鼎有蓋三足蓋與器銘共十六字李氏鼎有蓋三足銘
二字圜拵上而耳外附質素無紋六夔鼎有蓋三足無
銘蓋作圜如足仰之可貯物圜下承以六夔三犧鼎二
皆有蓋三足無銘二器足如牛設三犧于蓋浮雲鼎有
蓋三足無銘耳附如鉞弁上如鸛足作股膊蓋設三圜

體間飾以雲氣下垂之勢輔耳鼎四皆三足無銘二有蓋二闕蓋螭螭鼎有蓋無銘頂有提環周回隱起三脊錯以螭螭內外之紋又塗以黃金爛然照目小鼎有蓋三足無銘倣禹而為之其小可置諸掌錯金銀為華飾以七寶瑟瑟輝映其上蓋非飲食之器如硯滴之具最為舊物篆帶鼎有蓋三足無銘兩耳外附足作股膊若獸蹄狀蓋設三環却之可以貯物上下飾以篆帶紫紆糾結曲畫華巧雷紋鼎有蓋無銘三足純素純緣與蓋

遍著雷紋大小間錯腹上維以絢紐周匝其下與耳又作螭形蓋頂復以三環為飾却而置諸機如足然百乳鼎有蓋三足無銘匾淺若甌以環為耳各以三膊為足蓋又貫之三牙可以脗合各周以乳乳形分布蟠虺之

間

以上兩漢鼎

鼎錄蜀先主章武二年於漢川鑄一鼎名

曰克漢鼎埋之丙穴中八分書三足又鑄一鼎沉於永安水中紀行軍奇變又於成都武擔山埋一鼎名曰受禪鼎又埋一鼎於劍口山名曰劍山鼎並小篆書皆武

侯迹又時龍見武陽之水九日因鑄一鼎像龍形沉水
中章武三年又作二鼎一與魯王文曰富貴昌宜侯王
一與梁王文曰大吉祥宜公王並古隸書高二尺諸葛
亮殺王雙還定軍山作一鼎理於漢川其文曰定軍鼎
又作八陣鼎沉之永安水中皆大篆書又於玄武郡金
山作二鼎一大一小並無文時亮行軍見此山勢似有
王者故鎮之魏武帝鑄一鼎於白鹿山高一丈紀征伐
戰陣之能古文篆書四足更作鼎於太子名曰孝鼎畫

刻古來孝子姓名小篆書文帝黃初元年鑄受禪鼎其
文曰受祚鼎小篆書明帝太和六年鑄一鼎三足名曰
萬壽鼎小篆書吳孫權黃武元年於彭蠡水沉一鼎其
文曰百神助陽侯伏三足大篆書又獵於樊山見一姥
問得何獸答曰得一豹曰何不截尾遂為姥立廟并作
一鼎文曰豹尾鼎孫亮建興元年於武昌鑄一鼎其文
曰鎮山鼎小篆書三足顧邕鑄一鼎文曰顧元凱之鼎
八分書三足陸遜破劉先主鑄一鼎紀功其文曰破蜀

鼎

以上三
國鼎

鼎錄晉懷帝永嘉六年鑄一鼎沉於瓜步

江中無文字鼎似龜形王羲之於九江作書鼎高五尺

四面周匝書遍刻之沉於水中真隸書 異苑孔愉獲

龜放之遂作一鼎刻其文曰孔敬康鼎沉之於水 晉

陽秋元康八年穀城縣民留珪夜見門內有光取得玉

鼎一圍四寸廬江太守以獻 晉起居注咸和元年宣

成春穀縣山岷獲古鼎可受三斛餘羣臣畢賀 異苑

前秦苻堅建元五年長安樵人於城南見金鼎走白堅

堅遣載取到城化為銅鼎入門又變成大鐸 鼎錄宋

王劉裕晉永初三年從秦中還紀功鑄一鼎於九江其
文曰沸秦洛伏大漢古篆書宋文帝得鰕魚遂作一鼎
其文曰鰕魚四足順帝昇明元年有人於宮亭湖得一
鼎上有古文洵漠二字齊高祖於齋中池內見龍聞蕭
鼓音遂埋一鼎其文曰龍鼎真書三足梁武帝大通元
年於蔣山埋一鼎其文曰大通真書又鑄一鼎書老子
五千言沉之九江中並蕭子雲書又天監二年安豐得

一角靈龜武帝遂作一鼎投得龜處陳武帝即位鑄一
鼎其文曰元勲鼎沉於浙江陳宣帝於太極殿中鑄一
鼎其文曰忠烈常侍丁初正書

以上六朝鼎

博古圖三蟠

鼎有蓋三足無銘耳附於外形圓而匾上有三螭以戲
於蓋足與耳皆為螭形 三禮圖唐武后時九鼎成后
欲用黃金塗之姚璩進曰鼎者神器也貴質朴不得外
飾臣觀其上先有五采豈待塗金為符曜耶后乃止

唐書常山王承乾造六熟鼎招亡奴盜取人牛馬親視

烹煑 杜陽編貞元八年吳明國貢常燃鼎量容三斗

光潔類玉其色純紫每修飲食不熾火而自熟香潔異
常久食之令人反老 山堂肆考宋徽宗崇寧四年秋

九鼎成奉安於九成宮以蔡京為定鼎禮儀使帝幸宮
行酌獻禮鼎各一殿中央曰帝鼎北曰寶鼎東曰牡鼎
東北曰蒼鼎東南曰罔鼎南曰彤鼎西南曰阜鼎西曰
晶鼎西北曰魁鼎帝酌獻至北方寶鼎鼎忽破水流溢

於外

以上唐
宋鼎

諸鼎庶物異名疏張世南紀聞云昔長睿父博學好古頗得三代之遺器其鼎有上下畫一而中重三者長睿父識之曰此爭首也蓋著飲食有訟之戒然則八十一首與周易準其已久矣世南之見其器必後漢時物蓋八十一首作於子雲何緣三代時已有爭首按高似孫緯略稱三代器幾三百種亦無爭首之目可為紀聞一證雲烟過眼錄癸字鼎初出蕭山張稱孫其制三足兩耳其花饗饗圖雷文粗細花相間儼然一局爐耳

特青綠自內出外則裹之以褐色瑩光可愛內有三字
款文伏自然其樣則不古也又金絲商嵌小鼎元賈
氏物文極細後併高麗商嵌歸之吳存齋又小鼎一內
有款曰必自然文藻甚佳其色青綠清波雜誌毘陵
士大夫有仕成都者九日藥市見一銅鼎已破闕旁一
人贊取之既得叩何所用曰歸以數爐炷香環此鼎香
皆聚於中試之果然乃名聚香鼎初不知何代物而致
此異南越書永城縣江前有神鼎圓數里耳高五六

丈葛稚川云赤松子淘金丹鼎 廣博物志大茅山有
玄帝時銅鼎可容四五斛許偃刻甚精好在山獨高
處入土八尺許上有盤石掩鼎上玄帝時命東海神使
埋藏於此 五代史張策少聰悟父同居洛陽敦化里
浚井得古鼎銘曰魏黃初元年春二月匠吉千同以為
奇策時年十三居同側啓曰漢建安二十五年曹公薨
改元延康是歲十月文帝受禪又改黃初是黃初元年
無二月也銘何繆耶同大驚異之

俎

稗史類編明堂位曰有虞氏以梲俎注云斷木為四足而已然則斷木而為之足不致文飾創始為之故也唐太宗曰禹雕其俎至夏乃用雕文則俎自虞帝始也

明堂位周以房俎鄭注房謂足下跗上下兩間有似於房孔䟽兩頭各有兩尺足下各別為跗足間橫者似堂之壁橫下二跗似堂之東西兩頭各有房也 羣書考

索俎以玉飾知之者以俎豆相類之物明堂位說周公

之禮云薦用玉豆豆以玉飾明俎亦用玉飾長二尺四寸廣尺二寸高一尺漆兩端赤中央黑國語王公立飲則有房烝注房大俎也謂半解其體升之俎也

豆

禮圖豆口足徑尺黑漆飾朱中大夫以上畫以雲氣諸侯以象天子以玉皆謂飾其豆口也爾雅疏豆者以木為之高一尺口足徑一尺其足名鐙中央直豎者名校校徑二寸總而言之名豆其實四升用薦菹醢明

堂位夏后氏以楬豆殷玉豆周獻豆鄭注楬無異物之飾也獻䟽刺之齊人謂無髮為禿楬孔䟽獻音娑娑是希䟽之義故為䟽列之 正字通楬豆以木為柄若蜡

氏置楬之楬即今之板所謂以木為柄柄即豆之下承豆之莖趺也玉豆者楬之上飾之以玉也獻豆若周官再獻之獻陳澧集說云獻讀為娑犧尊刺畫鳳羽此豆亦必刺畫鳳羽故名 武王觴豆銘食自杖食自杖戒之僇僇則逃注盧氏曰無求醉飽自杖而已觴豆與祭

祀之楬豆玉豆別蓋用以飲食者非止盛乾物也 考
工記旒人為豆實三而成轂崇尺注豆實四升轂受一
斗二升 爾雅木豆謂之豆竹豆謂之籩瓦豆謂之登
通雅考工以瓦為豆周禮以木為豆禮家言木曰豆
竹曰籩瓦曰登然古器祖癸豆姬賓母豆皆以銅為之
博古圖魚豆無銘飾以魚鱗疑生豆銘八字上若盤
狀而復穿鏤於濡物蟠虺豆二皆無銘各著以蟠虺輕
重雷紋豆二皆兩耳無銘一有蓋一闕蓋皆以雷紋為

飾或輕或重下作垂花前蓋端狀荇葉間錯粟紋

籩

鄉射記注豆宜濡物籩宜乾物 爾雅疏籩以竹為之

口有藤緣形制如豆亦受四升盛棗栗桃梅菱芡脯脩
膾鮑糗餌之屬 禮記薦用雕簋注疏簋籩也以竹為
之形似筥亦薦時用也雕鏤其柄故曰雕簋

瑚璉

三禮圖瑚受一升制度如簋而平下璉受一升漆赤中

蓋亦龜形飾口以白金制度如簠而兌

銳音下

魏了翁

讀書雜鈔明堂位夏后氏之四璫殷之六瑚鄭注云皆
黍稷器制之異同未聞皇氏曰鄭注論語夏曰瑚殷曰
璫誤也

簠簋

羣書考索外方內圓曰簠盛稻粱之器口圓徑六寸深
七寸二分底徑亦五寸二分厚八分足底徑六寸厚半
寸脣寸所盛之數及蓋之形制一與簋同簋盛黍稷之

器有盖象龜形外圓函方以中規矩天子飾以玉諸侯飾以象受一斗二升高一尺厚半寸脣寸口徑五寸三分深七寸二分底徑亦五寸二分厚八分足底徑六寸聘禮注簋方者器名也以竹為之狀如簋而方凡簋皆用木而圓受斗二升此用竹而方故云如簋而方亦受斗二升 羣書考索案考工記旒人為簋及豆皆以瓦為之雖不言簋簋是相將之器亦應制在旒人亦有盖疏云據祭天地之神尚質器用陶瓠而已若祭宗廟

則皆以木為之 博古圖禮圖據周禮簠簋注疏簠為
外方而內圓簋為外圓而內方穴其中以實稻梁黍稷
又皆剡木為之上作龜蓋以體蟲鏤之飾而去古益遠
矣不知簠盛加膳簋盛常膳皆熟食用匕之具若如禮
圖則略無食器之用今三代簠簋方圓異制可用匕而
食如周邦父簠高三寸四分深二寸一分口徑長一尺
闊八寸一分容四升一合飾以蟠螭周以重雷兩耳作
蟠首銘曰叔邦父作簠用征用行用從君王子孫其萬

年無疆又太師望簋通蓋高六寸七分深二寸八分口徑長七寸二分闊五寸腹徑長七寸九分闊五寸六分容三升七合兩耳四足銘云太師小子望作鬯彝簋而謂之鬯者鬯訓煮熟食簋盛黍稷惟熟然後可食也是皆出于冶鑄之妙而銘載粢然豈刺木鏤形者所能髣髴哉又京叔簋有蓋兩耳四足銘十一字素簋兩耳無銘如豆而方如鋪而橢其下四面作䟽櫨之狀

筐 筥 篚

三禮舊圖筐以竹為之長三尺廣一尺深六寸足高三寸祭祀之器 庶物異名疏禮書有頄筐有懿筐頄筐其淺者也懿筐其深者也韓詩外傳曰頄筐歆箱也

三禮舊圖筥制圓而長深行幣帛及盛物但可以實物而已又筥圓受五升盛雍餼之米致于賓館 禮書儀禮壘洗之西皆有筐又有上筐下筐膳筐之辨則上筐在堂下筐在庭膳筐特饌君爵而已筐之為物可以盛幣帛可以盛勺解可以盛苴茅可以代所俎可以實黍

稷肆大朝覲佐餼共設簠簋此簠之實黍者也公食大
夫豆實實于簠簠實實于簠而簠者簠類也其用以實
簠實宜矣鄭氏曰簠其簠字之誤歟不必然也鄭氏又
曰簠竹器如苓說文曰簠如竹簠簠有蓋是以舊圖簠
亦有蓋

敦

禮明堂位有虞氏之兩敦注敦音對盛黍稷器 周禮
合諸侯共珠盤玉敦注敦槃類珠玉以為飾鄭司農云

玉敦軟血玉器 羣書考索九嬪職云凡祭祀贊玉盥

注云玉盥玉敦也受黍稷器然則天子八簋之外魚用敦也敦受一斗三升漆赤中大夫飾口以白金其制與簋簠容受並同但上下內外皆圓為異耳 博古圖已

丁敦有蓋兩耳銘六字足純緣周以夔龍又著兩螭以聳其耳通腹皆列饗饗紋散季敦有蓋兩耳有珥三足蓋與器銘共六十六字毀敦兩耳銘一百一十三字圓足下連方座仲駒父敦二皆兩耳有珥三足蓋與器共

銘三十六字敦敦兩耳有珥三足闕蓋銘一百四十字
姜敦兩耳圈足銘一十六字宰辟父敦三皆兩耳有珥
三足二蓋與器銘共一百五十字一闕蓋銘七十五字
形制款式悉同兕敦三皆兩耳有珥二蓋與器銘共二
字一闕蓋銘一字制作一律皆以雲雷為飾前二器蓋
上各有犀兕之形刺公敦二皆兩耳有珥三足俱闕蓋
銘二十八字雁侯敦有蓋兩耳有珥蓋與器銘共二十
八字師望敦兩耳有珥闕蓋銘九字純緣與足皆飾蟠

夔間以雲紋耳為螭形異敦兩耳有珥三足闕蓋銘三十九字毛父敦兩耳有珥三足闕蓋銘四十七字孟姜敦兩耳有珥三足闕蓋銘二十八字仲奠父敦兩耳有珥三足闕蓋銘一十七字耳足皆狀獸形純緣之下雷紋為飾腹間純素虔敦二皆兩耳圍足銘六字史張父敦蓋銘一十二字純素無紋彩若疊環而為製作純古土花青紫相間粲然瑩目仲酉父敦蓋銘六字虎耳敦兩耳有珥三足闕蓋無銘耳飾虎形通體純素略無設

飾製作質朴夔足敦闕蓋無銘虎耳夔足飾以雷帶

稗史類編襄陽府光化縣村人耕穴一冢得一器類鼎而有蓋蓋及鼎腹皆雷紋中有龍形而耳為饕餮足為蚩尤制作甚精舅氏得之名曰龍鼎予謂古之鼎彝皆無蓋而足皆圓直無作獸形者此乃敦耳乃名曰龍敦

格致鏡原卷四十三

欽定四庫全書

格致鏡原卷四十四

大學士陳元龍撰

禮器類二

瓚

詩疏正義瓚者器名以圭為柄圭以玉為之指其體謂之玉瓚據成器謂之圭瓚 考工記裸圭尺有二寸有瓚 詩傳祭祀之禮王裸以圭瓚諸臣助之亞裸以璋瓚 典瑞注瓚槃大五升口徑八寸下有槃口徑一尺

羣書考索周禮玉人曰天子用全上公用龍侯用瓚
伯用將龍鼻也將柄也然則鼻四玉一石瓚三玉二石
柄玉石相將舊圖瓚為勺形又鼻為龍稍大而鄭氏云
圭瓚酌鬱於獻尸皆非是蓋瓚非酌鬯凡裸酌鬯用爵
灌之在瓚爵以灌鬯瓚以受灌而謂瓚酌鬯非矣瓚深
二寸其柄用圭有流前注流謂鼻也圭柄金勺既異其
牝牡相合處各可長三寸厚一寸博二寸半流道空可
徑五分 周禮玉人之事大璋中璋九寸邊璋七寸射

四寸厚寸黃金勺青金外朱中鼻寸衡四寸有縹注射
剡出者也嚮上謂之出謂剡四寸半以上其半以下加
文飾焉鼻勺流也凡流皆為龍口衡勺徑也 羣書考
索後鄭云大璋加文飾中璋殺文飾邊璋半文飾但解
三璋得名大中邊之義不言文飾之物易曰雲從龍璋
瓚既以勺鼻為龍頭其二璋半已下宜皆琢雲氣以飾
三璋之勺形制並同圭瓚但瓚勺各短小耳三璋之下
雖不言槃有之可知其制亦同瓚槃口徑皆六寸

尊 彝

羣書考索尊之為言尊也彝之為言常也尊用以獻上及於天地彝用以裸施於宗廟而已故尊於祭器獨名尊彝於常器均名彝周禮冢人以疏布冢八樽畫巾冢六彝注疏布者天地之神尚質畫巾者宗廟可以尚文畫者畫為雲氣唐六典凡樽彝之制十有四祭祀則陳之一曰太樽二曰著樽三曰犧樽四曰象樽五曰壺樽六曰山彝七曰概樽八曰散樽九曰山樽十曰蟲

樽十一曰雞彝十二曰鳥彝十三曰斚彝十四曰黃彝
有事於神祇則用太樽至於山罍有事於宗廟則春夏
用雞鳥之彝秋冬用黃斚之彝星之外官用概樽岳鎮
山林川澤用蠡樽衆星丘陵以下用散樽

尊 周禮六尊犧尊象尊著尊壺尊太尊山尊以待祭
祀賓客之禮注犧尊沙牛飾尊也象尊三足象其鼻形
也著尊著地無足也壺尊以壺為尊也太尊瓦尊也山
尊為山雲形也壺以壺太以瓦餘皆木也 三禮圖犧

象二樽全刻牛象之形鑿其背以為樽 禮記泰有虞氏之樽也山罍夏后氏之樽著殷樽犧象周樽 禮記廟堂之上罍樽在阼犧樽在西 羣書考索獻尊獻讀為犧尊飾以翡翠春祠夏禴用之司尊彝云春祠夏禴其朝踐用兩獻尊一盛玄酒一盛醴齊鄭讀獻字與婆娑之娑義同謂刺鳳皇之象其形婆娑然毛詩傳曰犧尊者沙飾也言沙牛飾尊而先儒謂有沙羽飾畫為鳳皇之形誤矣

以上
犧尊

按周禮六尊制圖云春祠夏禴其再

獻用兩象尊一盛玄酒一盛盎齊以象骨飾尊鄭司徒
云象尊一象鳳皇本朝陸佃云舊傳象尊或為象載或
以其齒飾之亦或空其腹以為尊蓋古者制尊樣制不
一要之曰不失為象尊頃見參知政事章惇得古銅象
尊一制作極精緻三足象其鼻形望而視之真象也
以上以
尊象爾雅曰著尊略尊也禮樂論曰秋獻用之者麗於下
而將以歸根也秋冬者陰也氣象靜物尊亦用靜物受
五斗漆赤中著地無足口圓徑一尺二寸底徑八寸上

下空徑一尺五分與獻尊象尊形制容受並同但無足

及飾耳司尊彝秋嘗冬蒸朝獻用兩著樽一盛玄酒一

盛醴齊

以上著尊

壺尊受五斗漆赤中以壺為之口圓徑八

寸脰高三寸中徑六寸半脰下橫徑八寸腹中橫徑一

尺一寸底徑八寸腹上下空徑一尺二寸足高二寸下

橫徑九寸司尊彝秋嘗冬蒸饋獻用兩壺尊一盛玄酒

一盛盎齊按明堂位曰壺者以壺為尊春秋傳曰尊似

魯壺

以上壺尊

太尊太古之瓦尊也受五斗口圓徑一尺脰

高三寸中橫徑九寸脰下大橫徑一尺二寸底徑八寸
腹上下空徑一尺五分厚半寸底平厚寸按周禮六尊
制圖追享朝享朝踐用兩太尊一盛玄酒一盛醴齊太
古之瓦尊也與甒形制容受同

以上太尊

山尊受五斗口圓

徑九寸脰高三寸空徑一尺五分足高二寸下徑九寸

司尊彝云追享朝享再獻用兩山尊一盛玄酒一盛盎

齊注云山尊山罍也

以上山尊

兕人云凡山川四方用蜃後

鄭云蜃蜃散皆漆尊蜃畫為蜃形口徑一尺二寸底

徑八寸足高二寸下徑九寸底至口上中下徑一尺五分容五斗鬯人云凡祿事用概後鄭云概漆尊以朱帶者賈義云概尊朱帶玄纁相對既是黑漆為尊以朱飾腹故名概尊取對概之義也形制容受一如蜃尊鬯人云凡鬻事用散後鄭云散漆尊無飾曰散賈義云對概蜃獻象四尊各有異物為飾言此散尊惟漆而已別無物飾故曰散 南史劉之遴獻古器四種於東宮其第一種金銀錯鏤古尊二枚有篆銘云秦客成侯適楚之

歲造 雲烟過眼錄名公尊其蓋細花款文極精妙尊
腹五指稱文中有疑數十字真三代之奇物也俗名榴
捏尊 博古圖從尊銘三字祖丁尊銘五字其質渾厚
文鏤純簡兄丁尊有蓋蓋器銘共八字持刀父巳尊銘
七字諫尊銘七字龍鳳方尊無銘製造純古其上為龍
首四稜為鳳形周以雲雷祖戊尊銘五字純質未鑿渾
厚端雅辛尊銘三字父乙尊銘五字父丁尊銘二字純
足皆素當中為從理即兩端分寫夔龍形色幾渥赭綠

花萍綴立戈癸尊銘四字文飾甚簡而腹間有雲雷之

狀

以上商尊

月星尊銘四字召公尊有蓋蓋器銘共七十二

字高克尊兩耳連環銘五十八字師餘尊銘三十二字

乙舉尊銘二字犧尊二皆有蓋以口為流四足無銘並

全牛像之形而鑿背為尊象尊有蓋四足有提梁無銘

全作象形開背為尊鳧尊有流有鑿闕蓋無銘瓠尊上

有兩鼻無銘以口為流置之則可立旁設兩鼻所以安

提梁亦可挈之以行也飾以雲雷之文夔龍尊無銘足

與腹及頸間皆作夔龍狀間雷紋於兩旁又飾連珠周之脰足對峙有方竅饗饗大尊無銘純緣皆素腹足飾以饗饗間之雷紋是尊特大其質則銅饗饗壺尊無銘尊作壺形脰著饗饗腹著風雲三獸饗饗尊無銘脰上有鼻作饗饗狀周身悉被饗饗之飾與雷紋相間錯土花漬染銅色蒼翠如瑟瑟紋鏤華好饗饗尊無銘純緣與足皆無紋飾特三面狀以饗饗著尊二皆無銘脰間皆作夔龍蟠屈之勢腹著雲雷回旋之狀而底著地無

足壺尊二皆無銘二器肩腹並設雲雷之飾

以上周尊

南

史劉杓博綜羣書嘗於沈約坐語及宗廟犧樽約云鄭
玄答張逸謂為畫鳳皇尾婆娑然今無復此器則不依
古杓曰此言未必可安古者樽彝皆刻木為鳥獸鑿項
及背以出內酒魏時魯郡地中得齊大夫子尾送女器
有犧樽作犧牛形晉永嘉中賊曹窋於青州發齊景公
冢又得二樽形亦為牛象二處皆古之遺器知非虛也
約大以為然

彝 爾雅疏彝者法也與諸尊為法 王莽傳官司彝

器注師古曰彝器常用之器也一曰祭宗廟酒器也周禮有六彝法也言器有所法象之貌耳 周禮司樽彝

掌六樽六彝之位詔其酌辨其用與其實春祀夏禘裸

用雞彝鳥彝皆有舟

鄭云舟樽下臺若今時承盤子

秋嘗冬蒸裸用斚

彝黃彝皆有舟

斚讀為稼畫木稼也黃彝黃目樽

凡四時之間祀追享

朝享用虎彝蜼彝

畫之為飾也蜼讀為虺

皆有舟

羣書考索雞

彝受三斗宗廟器盛明水鳥彝盛鬱鬯後鄭云二彝刻

而畫之為雞鳳皇之形著於尊上口圓徑九寸底徑七寸其腹上下空徑高一尺足高二寸下徑八寸尊彛盛明水先鄭讀尊為稼謂畫禾稼於尊因為尊名然則宜畫嘉禾以為飾其彛與舟并漆赤中其局足內亦漆畫禾稼為飾黃彛盛鬱鬯黃目也以黃金為目彛並以金明堂位曰夏后氏以雞彛殷以尊周以黃目鄭玄謂黃目以黃金為飾郊特牲曰黃目鬱氣之上尊也黃者中也目者氣之清明者也言酌於中而清明於外陸佃云

舊圖黃目尊畫人目而黃之人目不黃而黃之理無有也許謹說壘云龜目酒尊龜目黃亦其氣之清明未有知之者也然則黃目宜畫龜目如謹說且龜亦因以為戒虎彝畫虎於尊盛明水其尊與舟皆漆赤中其局足內亦漆及畫虎為飾雖彝酌鬱鬯彝與舟皆漆赤中其局足內亦漆畫雖以為飾博古圖甌彝兩耳有珥銘五字純緣圈足皆飾以夔龍已舉彝兩耳銘二字腹間作乳乳百四十有一子孫父辛彝兩耳有珥銘七字純

緣間及園足皆作夔形相環若循走之狀腹間純素子
孫彛銘二字父丁彛兩耳有珥銘七字立戈父甲彛兩
耳有珥銘三字純緣與足以上並作雷篆於兩旁以螭
首為耳致飾精工虎耳彛兩耳有珥銘三字

以上商彛

巳酉

方彛銘三十七字此器方而通體為盤夔雷紋四隅并
腹間峻拔作觚稜之狀單彛園足銘三字召父彛兩耳
有珥耳作螭狀下為方座雲雷之紋與夔龍間錯銘七
字叔彛兩耳有珥銘六字耳為水獸下有方座周身為

饗饗狀純緣下與足上有行螭之飾雲雷寶彝兩耳有
珥銘三字飾以雲雷雷紋寶彝兩耳有珥銘三字純緣
之下與足皆作雷紋盛成饗饗狀以鹿首為耳伯映彝
兩耳有珥銘一十字耳作獸形純緣與足飾以夔龍間
之雷紋百乳彝兩耳有珥無銘周身皆乳凡二百一十
有六四耳今存二耳足皆飾夔龍内外有二牛首腹間
周以直紋乳彝圓足無銘純緣之下分為四獸首兼著
饗饗形夔龍乳彝兩耳有珥無銘純緣之外作夔龍狀

間以雷紋腹間有乳環之足下作饗饗以虎首為耳夔龍彛兩耳無銘腹間純素足與純緣之外夔龍雷紋交錯足間兩竅可以貫繩赤綠相間略無銅色高足彛二皆無銘一純緣之下及足之上雷紋與夔龍相蹂蹙周以連珠一三面作饗饗周體飾以雲雷其足有竅可以貫純蟬紋雷彛無銘腹間著以蟬紋腹上與足飾以雷紋純與腹下皆無紋饗饗彛無銘純緣之下以饗饗為飾間以細雷紋腹足純素不加琢鏤蟠夔彛兩耳有珥

無銘兩旁蟠以四夔以雷紋間之足間飾以飛鳳耳狀
螭首蟠夔直紋彛兩耳有珥無銘純緣下飾以蟠夔腹
間密布直紋如踈櫺以上周彛雲烟過眼錄古伯彛正如
一青瓜色碧可愛湯仲謀云余至順壬申見南關總管
趙伯昂所收古伯彛蓋色光瑩如漆內有文曰古伯彛
不審焦氏嘗有蓋否葉森幼年見焦公此彛正如前見
同當時即無此蓋

卣

爾雅疏卣者中尊也孫炎云尊彝為上罍為下卣居中
郭云不大不小者是在罍彝之間即周禮犧象壺著太
山等六尊是也 博古圖持刀祖乙卣有蓋兩耳有提
梁蓋與器銘共十四字執戈父癸卣有蓋兩耳有提梁
蓋與器銘共六字言卣有蓋兩耳有提梁蓋與器銘共
六字制作純厚而不雕巧田卣有蓋兩耳蓋與器銘共
一字飾以雲雷夔龍之形紋鏤華巧耳間連環以為提
梁世母辛卣有蓋兩耳有提梁蓋與器銘共五字卦象

卣有盖兩耳有提梁盖與器銘共二字祖辛卣兩耳闕
盖有提梁銘七字立戈卣有盖兩耳有提梁銘作立戈
形通體兩面狀饗饗間以雷紋提梁為虎首兕卣有盖
兩耳有提梁盖與器銘共二字提梁之兩端象兕首通
體作饗饗狀執爵父丁卣兩耳闕盖有提梁銘三字實
卣二皆兩耳一闕盖有提梁銘四字一有盖闕提梁盖
與器銘共八字二卣製作渾厚而飾以牛瞿祖丁卣有
盖兩耳闕提梁盖與器銘共十二字兄癸卣有盖兩耳

有提梁蓋與器銘共五十字卣有蓋兩耳有提梁蓋
與器銘共二字頂中作爵柱以為舉持之具又以綯紐
為提梁而其足與蓋皆著飛鳳相嚮之狀蓋旁又作山
形間以蟬紋純緣外以獸首為鼻飾以夔龍左右環之
父丙卣有蓋兩耳有提梁蓋與器銘共一十二字父己
卣兩耳闕蓋有提梁銘三字父辛卣有蓋兩耳有提梁
蓋與器銘共八字執乚父丁卣有蓋兩耳有提梁蓋與
器銘共六字持竿父癸卣闕蓋有提梁婦庚卣兩耳闕

盖有提梁銘七字父舉卣有盖兩耳有提梁銘三字史
卣兩耳闕提梁銘一字狀饗饗而環以連珠持戈父已
卣有盖兩耳有提梁盖與器銘共一十四字母乙卣有
盖兩耳有提梁盖與器銘共二十二字冀父辛卣有盖
兩耳有提梁盖與器銘共一十四字祖庚卣有盖銘三
字夔龍卣三皆兩耳無銘前二器有盖有提梁有稜若
觚後一器闕盖闕提梁形如觚以上商卣淮父卣有盖兩耳
有提梁盖與器銘共八十二字單癸卣有盖兩耳闕提

梁蓋與器銘共五十八字樂司徒卣銘二十有二字是
器比他卣復有鼻著地無足當是旅卣伯寶卣三皆有
蓋兩耳有提梁蓋與器銘共一十字前一器蓋與脰腹
於雷紋地隱起夔狀蓋之蒂復著一夔腹之兩面介其
中為獸首足飾黃目提梁為綯紐耳作兩象首後二器
腹皆純素惟蓋器之純緣與足作夔狀間以雷紋提梁
無文采而耳作獸首與前一器稍異父乙卣有蓋兩耳
有提梁蓋與器銘共四字蓋與器足之上各為八蟠夔

周以連珠雷紋間之。蓋上又飾以兩獸以夔首為提梁。有連鼻州。卣有蓋兩耳有提梁。蓋與器銘共一十二字。以四鳳飾於蓋與器之上。孫卣有蓋兩耳有提梁。銘一字刻作人形。大中卣兩耳闕。蓋有提梁。銘六字。尹卣蓋銘六十四字。兩面狀饗饗作四觚稜如山形而屹起。純緣之上飾以八虺雷紋間之。夔龍卣兩耳闕。蓋有提梁。無銘。純緣兩面并足間皆飾以四夔龍以雷紋間之。提梁作絢紐狀。蟠夔卣三皆作蟠夔前一器純緣與蓋紋。

以夔素其腹足提梁又為夔首次一器器與蓋與前相類但蓋頂偽為一龜置於上後一器腹足純緣間皆夔狀與雷紋間錯比前二器加華惟闕其蓋饗饗有蓋兩耳有提梁無銘提梁作絢紐狀蓋之上設一爵柱柱之下環以蟠螭螭之外飾以垂花至於純緣圍足則以連珠周之而間以雷紋其下兩面各作饗饗起稜為介製作雖繁中藏簡古雷紋有蓋兩耳有提梁無銘蓋與器皆

作方斜雷紋以連珠環之提梁作綯紐狀且圍其足土
花碧暈如藍田玉色方紋卣有蓋兩耳有提梁無銘頂
上設爵柱柱下作方紋周以連珠而純緣之下亦以方
紋為飾兩面各設獸首兩耳作圜環與提梁相連腹間
與圜足皆純素魚紋方卣有蓋兩耳有提梁無銘腹蓋
四旁皆作魚紋四足卣二皆有蓋兩耳有提梁無銘形
模若一而其足皆四蓋之兩端為獸首旁附以翼雖缺
而有展意提梁作綯紐後一器小異而蛟眉特隆盛頂

柱稍銳

以上
周貞

四足卣有蓋兩耳四足有提梁無銘下著

龜魚腹與蓋相合為獸形紋鏤奇巧宛若刻琢

以上
漢貞

罍

爾雅疏罍者尊之大者也韓詩說金罍大夫器也天子以玉諸侯大夫皆以金士以梓毛詩說金罍酒器也諸臣之所酢人君以黃金飾尊大一碩金飾龜目蓋刻為雲雷之象周禮春官鬯人掌共秬鬯而飾之祭祀社壇用大罍注社祭土用瓦罍以大罍出於土也爾雅

彝卣罍器也小罍謂之坎注罍形似壺大者受一斛

羣書考索郭璞云罍大者受一斛今時罍既在中尊之列受五斗可知也 名義考說文罍龜目酒尊似壺容

一斛刺作雲雷象施不窮也按雲古文作𠄎雷古文作

回罍刻之𠄎之文象施不窮也古器存者文尚可見謂

罍作阿香狀連鼓形者盖俗說也今器邊肉處有迴環

文猶是𠄎之遺意而知者鮮矣 羣書考索罍廁在

六尊之間以盛三酒比於六尊設之稍遠爾雅注云卣

中尊也此欲見彝為上尊罍為下尊也然則六彝為上受三斗六尊為中受五斗六罍為下受一斛是其差也詩周南曰我姑酌彼金罍孔疏指此諸臣所酢之罍而受一石者也又鄭注司樽罍云罍刻而畫之為山雲之形既言刻畫則用木矣又引韓詩說士用梓無飾則士已上同用梓而加飾耳天子則以黃金為飾口徑九寸五分脰高三寸中徑七寸五分脰下橫徑九寸腹中橫徑一尺四寸上下中徑一尺六寸足高二寸下徑一尺

畫山雲之形 博古圖犧首壘四皆一鼻兩耳連環無
銘四器皆以犧首為耳為鼻而製作又復相類其不同
者特高下致飾色澤環耳之類實非一手之製前三器
腹作饗饗下作垂花蟲鏤隱起間錯雲雷後一器色赤
無紋有蓋素犧壘兩耳連環無銘耳鼻皆以犧為飾狀
若牛首象首壘無銘肩脰間作兩象首貫以連環腹飾
園花足之上又為一象首麟鳳百乳壘無銘致飾不一
通體與足作方斜雷紋中著以乳其稜四起而上立四

鳳中間又為四獸各頂一角屹然而起疑其為麟其麟
鳳之間復以夔龍相間器大精工無如此者饗饗壘無
銘

爵

說文爵鳥名象其形為酌酒器取其能飛而不溺於酒
因以寓儆戒 事物原始爵古者刻木為之後世以銅
今以金銀其形似爵故名爵受一升 埤雅周蒙續崔
豹古今注曰九月雀入水不則多淫泆酒善使人淫泆

故一升曰爵爵所以戒也亦取其鳴節足所以戒荒淫之飲舟以戒沈湎爵以戒淫佚其義一也先儒圖禮以為爵漆赤中其下刻為雀形蓋雀之制其上如斛下如爵形故漢律厯志稱斛以為其狀如爵以縻爵祿也按說文解爵曰禮器也象爵之形中有鬯酒又持之也則爵為雀形明矣 博古圖拓父丁爵三足有流有螭銘九字父乙爵七皆兩柱三足有流有螭一銘三字餘皆銘二字所同者咸以牛首為螭以雲紋為柱小異者或

有雷紋雲氣饗饗蟠夔之飾祖乙爵兩柱三足有流有
盞銘二字純古略不加飾祖丙爵兩柱三足有流有盞
銘上作矢形父戊爵兩柱三足有流有盞銘三字純匭
之質樸而不雕祖己爵兩柱三足有流有盞銘二字守
父丁爵飲父丁爵皆兩柱三足有流有盞銘三字斧爵
兩柱三足有流有盞銘一字子孫己爵兩柱三足有流
有盞銘三字子爵二皆兩柱三足有流有盞一銘五字
一銘三字己舉爵兩柱三足有流有盞銘二字車爵兩

柱三足有流有鑿銘一字以牛首為鑿柱上加雲紋流
尾與足並皆純素兩面作饗饗而雷紋間之秉仲爵兩
柱三足有流有鑿銘三字流尾與足純素無紋兩邊作
饗饗狀間以雲雷父士爵兩柱三足有流有鑿銘二字
庚爵兩柱三足有流有鑿銘二字父癸爵兩柱三足有
流有鑿銘二字中爵兩柱三足有流有鑿銘一字尊癸
爵兩柱三足有流有鑿銘二字兩面作饗饗而間以雲
雷上為山形以牛首為鑿三足純素柱上復作雲紋雷

篆爵兩柱三足有流有鑿銘一字文鏤回旋若古文雷
字素爵二皆兩柱三足有流有鑿一銘一字一無銘二
器純古無紋質樸渾厚纔爵兩柱三足有流有鑿無銘
篆飾皆夔龍之象雲雷爵四皆兩柱三足有流有鑿無
銘制樣蟲鏤若出一體腹有雲雷為飾 升菴外集商
器有丁青爵周器有大田爵篆帶爵 周禮凡賓客獻
瑤爵皆贊 羣書考索太宰職云享先王贊玉爵後鄭
云宗廟獻用玉爵受一升口徑四寸底徑二寸上下徑

二寸三分圓足古人觀象制器義非一揆故假名全畫其物或取類半刻其形則鷄鳥以下六彝禕褕素青二質是全畫其物著於服器者也觚爵柄畫之類龍勺蒲勺之倫是半刻其形飾于器皿以取類取呼者也按陸佃禮象圖載石銅爵云有首有尾有柱有足有柄祭統曰尸授夫人夫人執柄是也夫人授尸執足是也先儒謂柄為尾蓋不見此制今文彥博李公麟家有之中有篆文殆商器也又陸佃禮圖云舊圖匏爵用匏片為爵

據此乃杓也詩曰酌之用匏爵當如此制耳若爵宜截其鼻以盛酒不應破匏為之 魏文典論劉表跨有南

土子弟驕貴並好酒為三爵大曰伯雅受七升次曰仲雅受六升次曰季雅受五升 仙傳拾遺司命君贈元

瓊一飲器如玉非玉不言其名一日有胡商詣元瓊宅見飲器捧而頓首曰此天帝流華寶爵致於日中則白氣連天承以玉盤則紅光照室即與元瓊就日試之白氣如雲鬱勃徑上與天相連此寶太上西北庫中鎮中

華二十四寶也頃年已旋降今此第二十二寶亦不久
留人間即當飛去得此寶者受福七世敬之哉元璫以
玉盤承之夜視紅光滿室

觚

考工記梓人為飲器觚三升 韓詩外傳三升曰觚觚
寡也飲常寡少 說文觚鄉飲酒之爵也 博古圖合
孫祖丁觚銘四字當中屹起四稜飾以夔又加以鸞饗
子乙觚銘四字女乙觚銘四字製作相類脰間刻四山

紋足作散雲布為饗饗面目雲梢蟠細縷宛轉相間父
乙觚銘三字脰間純素不作四稜腹足設以雲雷水觚
銘一字立戈觚銘二字腹無四稜款識高古奕車觚銘
二字雷紋隱起飾以饗饗父庚觚銘二字父舟觚銘二
字腹足為饗饗夔虺之狀龍觚銘一字作龍形腹足兩
面作饗饗狀間以雲雷亞形觚銘作亞形內外二字如
畫孫觚銘一字腹足兩面作重饗饗象鼻尾間為四稜
腹上作虺腹下作夔其上作山周以雷紋蟲鏤四象觚

飾以山雷饗饗蟠虺之狀腹下復作四象形夔龍觚二
皆著夔龍布以雲雷上下相間形制甚古四山饗饗觚
無銘純緣之外拱以四山兩面為饗饗間以雷紋中又
為四夔山紋觚無銘腹足遍以雷紋饗饗間飾脰設四
山復錯雷篆山雷觚無銘純之外作四山中分其體各
為雷篆間以饗饗其稜四出蟠夔觚無銘腹間飾以兩
面饗饗足間作相顧蟠夔狀饗饗觚無銘純緣不著文
飾腹兩面有鼻作饗饗狀四虺觚無銘四面皆飾虺形

以雷紋間錯蟬紋觚無銘通腹與足兩面為饗饗狀細錯雷紋足之上紋以四蟬純之外飾以四山雷紋四山觚無銘腹足之上作雙夔狀而雷紋間錯純之外飾以山形而下鏤以雷雲雷觚無銘雷紋觚七皆以雷紋饗饗為飾惟第三器腹足間作四夔腹之上作四山周以雷紋第五器腹足隱起饗饗純外有四山下為虺形小圓觚二形制似觚而四隅無稜腹著饗饗後一器設飾少異素觚無銘純緣而下通體皆純素足兩旁又有竅

略相通貫莫知所用

舟

周禮鄭注舟尊下臺若今時承槃 羣書考索司尊彝
云鷄彝鳥彝皆有舟其舟外漆朱中槃口圓徑尺四寸
其舟高厚各半寸槃下刻剝二等而漸大圓局足與槃
通高一尺足下空徑橫大二寸六彝下舟形制皆同其
舟足各隨尊刻畫其類以飾之 博古圖敦足舟兩耳
無銘上圓下方耳作螭首垂花舟兩耳無銘以牛首為

耳腹間飾以虺紋其下垂花

洗

三禮圖洗高三尺口徑尺五寸天子黃金飾 周禮祭

器圖洗形如壘受一斛 博古圖七星洗三足無銘隱

起七星兩兩三三參差相比負龜洗無銘洗中環以三

魚而中作一大龜負一小龜于上龜魚洗有足無銘中

飾一龜而三魚環之足間復有三竅可為繚絡之地

以上

周洗陽嘉洗兩耳銘六字蟠夔洗兩耳無銘以蟠夔為耳

雷紋相錯雙魚洗無銘中飾二魚筆畫不繁縟而簡古

以上
漢洗

勺

周禮梓人為飲器勺一升注勺尊升也 明堂位夏后

氏以龍勺注為龍頭狀柄長尺二寸口縱徑四寸半中

央橫徑四寸兩頭橫縱各三寸 稗史類編禮明堂位

曰勺夏后以龍勺商以疏勺周以蒲勺蓋龍疏蒲勺飾

也後王加文耳然則勺之具當有虞始制之故無飾也

至夏后加以飾杓即勺也祭祀曰勺民用曰杓其實一也或以勺之所容不過升而杓則加廣其所受皆取酌焉遂異其名制也 卓氏藻林龍勺刻畫為龍頭也疏勺刻鏤疏通也蒲勺如蒲草之形本合而未開也三者皆言勺之柄頭也

盂 附盒

丹鉛總錄盂盛五味之器也從未者盂取和之義耳言其器則口其口以盛物者皆皿也中而不盈則為盂乃

而多得則為盈合而口斂則為盒白水以澡則為盥

博古圖盃說文以謂從皿從禾為調味之器王安石以謂和如禾則從禾者盃取和順之意耳今考其器或三足而奇或四足而耦或腹圓而匾或自足而上分體如股膊有鑿以提有蓋以覆有流以注 博古圖阜父丁

盃三足有流有鑿蓋與器銘共六字執戈父癸盃闕蓋

有流有鑿銘三字兩面作饗饗周以連珠流有銘

以上商盃

單從盃有蓋四足有流有鑿蓋與器銘共九字嘉仲盃

三足闕蓋有流闕鑿銘一十九字腹匾而圓龍首盃三足闕蓋有流有鑿無銘三面作饕餮間以雷紋純緣之外又狀夔龍而流作龍首方他器具三足而但逸其蓋耳雲雷盃四足有流有鑿無銘形製與匾壺相類流與腹間盡作雲雷製作頗古三螭盃三足有流有提梁無銘有蓋立三螭以戲于旁凡盃流提間多著此象蛟螭盃有蓋三足有流有提梁無銘純緣腹足飾以蛟螭蓋平純素不加文鏤以螭為流提梁亦為螭首連環繫于

提梁製作精巧實周物也麟盃有蓋三足有流有提梁
無銘形制圓匾流飾以麟螭虬盃有蓋三足有流有提
梁無銘蓋飾以虺純緣外著螭虬下為絢紋以麟為流
周以螭形連環繫于其上三足純素不增文鏤蓋調羹
之器也栗紋盃有蓋三足有流有提梁無銘通體雷紋
纏糾間以栗紋以麟為流以虎為提梁獸蹄為足細紋
熊足盃有蓋三足有流有提梁無銘三熊為足以虎為
提梁以鳳咮為流

以上周盃

鳳盃有蓋三足有流有提梁無

銘腹圓而匾流作以鳳螭首虬紋盃有蓋三足有流有

提梁無銘以螭首虬紋為飾

以上漢盃

盃 博古圖交虬盃闕蓋無銘純緣外著以交虬兩耳作連環以便提攜以圓為足純素略無文彩

歌器

物原周公作歌器 家語孔子觀於魯威公之廟有歌器焉夫子問于守廟者曰此謂何器對曰此蓋為宥坐之器孔子曰吾聞宥坐之器虛則歌中則正滿則覆明

君以為至誠故常置之於坐側 羣書考索周廟歌器
至漢東京猶在御座漢末喪亂形遂絕杜預創意成而
上之 北史周文帝造二歌器其一為二仙人共持一
鉢同處一盤鉢蓋有山山有香氣又一仙人持一金餅
以臨器上傾水灌山則出於餅而注乎器烟氣通發山
中謂之仙人歌器一為二荷同處一盤相去盈尺中有
蓮下垂器上以水注荷則出於蓮而盈乎器又為鳬雁
蟾蜍以飾之謂之水芝歌器二盤各處一牀鉢圓而牀

方中有人三才之象也皆置清徽殿前形似觥而方滿則平溢則傾 孔六帖宗室臯嘗自創意為歌器以髹木上出五觚下銳圓為盂形所容二豆少則水弱多則彊中則水氣力均雖動搖乃不覆云 羣書考索仁宗皇祐四年二月戊辰御邇英閣內出歌器一陳御前喻丁度曰朕思古歌器之法試令工人制之以示卿等帝令以水注之中則正滿則覆

諸器

禮注疏敦年黍稷器也 博古圖周時劉公鋪高五寸

五分深一寸六分口徑七寸六分容二升三合形制雖

承槃小異于豆然下為圜足宜豆類也銘云劉公作杜

孺尊鋪永寶用 稗史類編古器有天君養鋪形亦如


簠但簠方而鋪圓耳漢門有鋪首正象其形 周禮守

桃既祭則藏其隋與其服鄭司農注隋謂神前所沃灌

器名 韋縉傳賓客崔沔議曰大凡祭器視物所宜故

大羹古饌也盛以瓚瓚古器也和羹時饌也盛以鉶鉶

時器也有古饌而用時器者則毛血於盤交酒於尊未有進時饌用古器者古質而今文有所不稱也



格致鏡原卷四十四

欽定四庫全書

子部
格致鏡原卷四十五
七至

詳校官中書臣羅錦森

侍讀臣孫球覆勘

總校官中書臣朱 鈐

校對官原任典簿臣郭祚熾

膳錄監生臣連彭年

欽定四庫全書

格致鏡原卷四十五

大學士陳元龍撰

樂器類

總

五聲八音圖中央宮絃數八十一絲西方商絃數七十
二絲東方角絃數六十四絲南方徵絃數五十四絲北
方羽絃數四十八絲磬石音生於乾鼓鼗革音生於坎
笙匏音生於艮簫管竹音生於震柷敔木音生於巽琴

瑟絲音生於離塤土音生於坤鑄鐘金音生於兌 元
豐聖訓禮官楊傑言金聲春容失之則重石聲溫潤失
之則輕土聲函胡失之則下竹聲清越失之則高絲聲
纖微失之則細革聲隆大失之則洪匏聲叢聚失之則
長木聲無餘失之則短惟人稟中和之氣有中和之聲
足以權量八音 月令章句聖人本陰陽別風聲審清
濁而不可以文載口傳也於是始鑄金作鐘以主十二
月之聲鐘難分別乃截竹為管謂之律 呂氏春秋黃

帝命伶倫作為律伶倫自大夏之西乃之崑崙之陰取竹於嶰谿之谷以生空竅厚均者斷兩節間其長三寸九分而吹以為黃鐘之宮曰含少次制十二筩聽鳳凰之鳴以別十二律其雄鳴為六雌鳴亦六漢書律厯志取竹之解谷孟康註解脫也谷竹溝也取竹之脫去溝節者也一說昆侖之北谷名周禮鄭玄註六律合陽聲六呂合陰聲此十二者以銅為管轉而相生黃鐘為首續漢書截管為律吹以考聲列以物氣道之本

也術家以聲微而體短其分數不明故作準以代之

晉律歷志漢京房作準以定律數準狀如瑟而長丈十
三絃 隋音樂志梁武帝素善鐘律乃立四器名之為
通一曰玄英通二曰青陽通三曰朱明通四曰白藏通
每通皆施三絃因以通聲轉推月氣 王泉記取宜陽
金門竹為管河內葭草為灰以吹之以候陽氣 古今
樂錄隋文帝問牛弘律呂實葭灰以候氣弘曰灰飛半
出為和氣全出為猛氣不出為衰氣 樂府雜錄舜調

八音計用樂器八百般至周改用宮商角徵羽減樂器至五百般唐又減三百般

鐘

總論 釋名鐘空也內空受氣多故聲大也 白虎通鐘之為言動也陰氣用事萬物動成 五經通義鐘者秋分之氣萬物至秋而成至冬而藏堅成不滅絕莫如金故金為鐘相繼不絕也 世本顓頊命飛龍氏鑄洪鐘聲振而遠一曰垂作鐘 山海經炎帝之孫伯陵生

鼓延為鐘 呂氏春秋黃帝命伶倫與榮援鑄十二鐘

以和五音 淮南子禹以五音聽治曰諭寡人以義者

擊鐘 禮記鐘聲鏗鏘以立號號以立橫橫以立武君

子聽鐘聲則思武臣 考工記鳧氏為鐘兩欒謂之鈇

鈇鐘口也鈇間謂之于于鐘脣之上祛于上謂之鼓鼓所擊之處鼓上

謂之鉦鉦上謂之舞以上皆鐘體舞上謂之角角上謂之衡

鐘二者鐘懸謂之旋旋者鐘柄有孔擊之可旋轉也旋蟲謂之幹旋蟲者以蟲為

節也令之旋有蹲熊盤龍辟邪鐘帶謂之篆鐘有四帶紋如篆籀

之蟲幹者言其強而能屬鐘也

篆間謂之枚

枚鐘乳也
可以枚數

枚間謂之景于上之擁謂之隧

擁受擊處也

考工記鐘已厚則石已薄則播侈則柝弇則

鬱長甬則震鐘大而短則其聲疾而短聞鐘小而長則其聲舒而遠聞鄭註太厚則聲不發太薄則聲散柝聲在外也鬱聲不舒揚也震鐘掉則聲不正也 紺珠古

之鐘形非圜屬幹于虞扣之則牢結不動後世圜其製而虞擊以直垂考之則搖曳而生餘韻 樂叶圖徵黃鐘生一一生萬物故君子鑠金為鐘鐘有九乳是以撞

鐘以知君鐘調則君道得注九乳法九州也 左傳鄭

人賂晉侯以師悝師觸師蠲歌鐘二肆注肆列也懸鐘

十六為一肆二肆三十二枚 張衡西京賦發鯨魚鏗

華鐘薛綜注海中大魚名鯨海島又有大獸名蒲牢蒲

牢畏鯨魚鯨魚一擊蒲牢輒大鳴吼凡鐘欲令聲大故

作蒲牢於上以所擊之者為鯨魚鐘有篆刻文故曰華

鐘 淮南子齊景公族鑄大鐘撞之于庭下郊雉皆雊

許慎注族聚也鐘聲如雷雷震故雉皆應之 三輔黃

圖始皇造虞高三丈鐘小者千石 漢官儀高祖廟鐘
十枚受千石撞之聲聞百里 三輔舊事清成門內大
鐘二枚各重萬鈞 何法盛晉中興書義熙中霍山崩
出銅鐘六枚上有文科斗書人莫能識 晉起居注咸
熙十年漢中民聞水涯有異聲若雷既而兩岸崩有鐘
十二枚出制作精巧擊之有和聲清韻 南史張永曉
音律太極殿前鐘聲嘶孝武嘗以問永永曰鐘有銅滓
乃扣鐘求其處鑿而去之聲遂清越 南史齊武帝以

宮內深隱不聞端門鼓漏置鐘景陽樓上以應五鼓及
三鼓宮人聞聲早起妝飾孔氏雜說今之更點擊鉦
唐時皆擊鐘也唐六典太史門典鐘二百八十人掌擊
漏鐘李嗣真傳唐太常缺黃鐘鑄不能成嗣真居崇
業里疑土中有之弗得道上逢一車有鐸聲甚厲嗣真
曰宮聲也市以歸振於空地若有應者掘之得鐘衆聲
遂和歸田錄太常所用王朴編鐘皆不圓而側垂李
照胡瑗之徒皆以為非及得古編鐘一枚工人不敢銷

毀叩其聲與王朴夷則清聲合而其形不圓側垂正與
朴鐘同然後知朴博古不為無據其後胡瑗改鑄編鐘
遂圓其形而下垂扣之掩抑而不揚其鑄鐘又震掉而
不和尋廢不用 爾雅徒鼓鐘謂之修 紺珠凡撞鐘
一百八聲以應十二月二十四氣七十二候之數 清
異錄朱全忠時號鐘為天聖銅避諱故也 奚囊橘柚
鐘一名長嘯一名粲谷 致虛閣雜俎鐘曰華由

名類 爾雅大鐘謂之鋪其中謂之剽小者謂之棧郭

註書曰笙鏞以間亦名鏞邢疏孫炎曰鏞深長之聲剽者聲輕疾也李巡曰東晉時會稽剡縣人家井中得一鐘長三寸口徑四寸上有銘是棧也博古圖鐘樂之始也大者為特鐘則獨垂其一是律倍黃鐘之數而成者也小者為編鐘是律數不倍十有六枚而同一簾者也有鏞焉大於編鐘而減於特鐘者也小大雖殊凡茲致飾惟一而已三禮圖凡鐘特懸者謂之鏞羣書考索樂器圖有特垂鐘狀如鈴不圓管子昔者黃帝

以其緩急作五聲以正五鐘一曰青鐘大音二曰赤鐘
重心三曰黃鐘灑光四曰景鐘昧其明五曰黑鐘隱其
常尚書大傳天子左五鐘右五鐘將出則撞黃鐘而
右五鐘皆應之入則撞蕤賓鐘而左五鐘皆應之左
傳天王將鑄無射泠州鳩曰夫音樂之興也而鐘音之
器也天子省風以作樂器以鐘之興以行之小者不窕
大者不櫛則和於物窕則不咸櫛則不容今鐘櫛矣杜
註窕細不滿也櫛橫大不入也國語景王將鑄無射

而為之大林單穆公曰先王之制鐘也大不出鈞重不
過石 王粲鐘銘建安中作蕤賓鐘重二千八百鈞十
有二斤無射鐘重三千五十鈞有八斤 東觀漢記靈
帝時鑄黃鐘受三千斛懸嘉德端門內 唐書涇陽耕
者得古鐘高尺餘楊收扣之曰此沽洗角也既剗拭有
刻在兩欒果然 升菴外集夔州府近掘地得一鐘形
如庠斗匾而長一面凸為十八乳一陰一陽總為九乳
古詩春鐘九乳鳴疑此鐘應春宮律也一面古篆七十

餘字人不能識惟夔字可辨 張懷瓘書錄往在翰林
見古鐘二枚高二尺許有古文三百餘字紀夏禹功績
皆紫金鈿似大篆神彩驚人 汲冢周書魚復鼓鐘鐘

牛注魚復南蠻也貢鼓及鐘而似牛 初學記古鐘名

有九龍之鐘

見淮南子

十龍之鐘

見賈子子胥入郢毀十龍之鐘

千石之鐘

見說苑及上林賦

博古圖齊侯罇鐘銘四百九十二字又齊

侯鐘四一銘八十五字一銘七十三字一銘八十一字

一銘七十二字形制皆相肖但巨細不等又蛟篆鐘銘

五十二字極古間作鸞鵲蛟螭之形款識鈿金甬旋比
他鐘蟲鏤尤劇瑰妙當甬旋之間設環象獸形遲父鐘
銘四十字聘鐘銘十五字寶和鐘銘二十二字宋公綬
鐘六皆銘六字銘文畧無小異夔首鐘無銘通體飾以
夔首畧無他飾特鐘無銘篆帶間皆作雲氣雙夔鐘四
皆無銘高下輕重雖不同至於作雙夔之飾則一也雙
螭鐘無銘而體中為雙螭之狀素乳蟠夔鐘無銘是鐘
乳素自鼓至舞間隱起細紋作蟠夔狀素乳鐘無銘通

體與甬皆周以繁乳鉦間特闊而不狹篆帶頗近古而鼓間復作雷紋但無隧擁之形耳然三十六枚與它鐘雖相似略無致飾故以素乳名之龍鐘無銘其枚銳而不圜旋以花紋為飾每面作八龍循緣相向狀其騰躍之勢枚間間以雷紋立夔鐘三皆無銘作立夔之飾而舞上復為雷紋篆帶鐘三皆無銘一器甬特長大約以圜環者三旋蟲則為鳳形枚景之間別分畦畛而中綦篆帶又狀蟠夔於鼓隧之上器鼓與頂間皆作篆帶

糾結之勢其小異者特為一面之飾一器成體切相類而甬虛旋素此為差別耳三鐘濡金凝質精純一致挾耳鐘二皆無銘大槩頗同所飾特各一面甬皆實而不通其鼓鉦與舞間一律作篆帶比他鐘亦略相似但舞之兩旁有垂帶若鼎彝中兩耳狀故以挾耳名之疑因時製作變易而設飾之巧以至此焉星帶鐘二皆無銘飾以星紋一器甬作雲紋鼓間著以雷篆一器所飾尤加繁縟輔乳鐘二皆無銘環體被枚乳凡三十有六碎

乳鐘四皆無銘於三十六枚之外皆飾以碎乳此其大
同者前二器鉦上作篆帶而鼓間有雲雷之狀後二器
枚間鼓上皆作夔形此其異者然文鏤典雅皆周物也
大編鐘八皆無銘篆帶之上皆有盤夔而擁隧之間亦
復如此衡甬旋蟲同於質素若出一體唯三與八二器
自兩舞循而下翼然如觚之有稜為特異耳素帶鐘無
銘旋作綯紐狀無蟲幹之飾一面有枚介畦畛且鼓間
復作兩山旁為雲紋於篆帶素篆鐘無銘篆間純素而

無他飾又實其角枚景脩銳而掣鍊稍精亦古制也雙鳳鐘無銘角幹純素鼓間以雙鳳為飾頂上復作八鳳有徊翔之狀通角鐘無銘篆帶作雲紋鼓間亦如之角上特無旋蟲而出六乳瑩若星然形質渾厚而于之中作線紋狀非他鐘之比以其角與體貫通故以通角名之一面蛟螭鐘無銘一面有飾為蛟螭之狀雷紋鐘二皆無銘甬皆中空一器甬于枚鉦間遍錯雷電之紋一器旋上隱起雷篆篆帶之間復作花紋舞銑純素旋紋

鐘無銘製作純質而三十六枚各作螺紋旋轉之狀細
雷紋鐘無銘枚作螺紋狀間以蟠螭頂間又為對立純
以雷紋飾其鈕山紋鐘無銘枚與鼓間飾以隱起山紋
實角鐘五皆無銘雖設飾甬然實而不虛其篆帶枚又
皆畫出與他鐘特異大槩與漢辟邪鐘相類盤紆鐘無
銘鼓篆間皆飾以螭紋作紆帶盤旋之狀鉦舞皆純素
無紋其甬為三節而旋蟲以螭首為之三節之上復有
高下雲氣一面篆帶鐘無銘枚間飾以篆帶而旋上與

鼓間亦作盤結紋其乳則銳舞銑俱純素唯飾一面對
螭山角鐘無銘甬上作山形兩面出四峯鼓鉦之間有
螭紋其形相對故以對螭山甬名百乳鐘無銘枚景之
外飾以百乳故與他器稍異盤雲鐘無銘作盤雲之飾
隧鐘無銘鼓間隱起而中微窅山鐘六皆無銘於鼓間
各作山形起伏其上如篆帶小編鐘九皆無銘螭紋鐘
二皆無銘鼓間各為螭紋頂亦如之其一於枚景具作
螺旋之狀其二則枚景有如金鋪上既不為衡甬而若

鐶可係于下垂觀其製蓋亦古鐘之稍變者也花乳鐘
二皆無銘上設小鈕不為衡甬而枚作旋螺著以花紋
獸面雙螭鈕鐘無銘形制若鐸復無鈺鼓枚篆之飾甬
作雙螭糾錯其尾若環環之中為獸首舞上以四虬蟠
屈相向舞間布以細紋承以垂花其聲清越而長虺鈕
鐘無銘兩面作辟乳布之其鈕獨狀以虺環鈕鐘二皆
無銘上為環鈕不作衡甬於枚介舞間虺紋盤結虎鐘
無銘荇葉鐘無銘無甬而為鈕其鈕為二辟邪鼓間亦

作辟邪之飾三十六枚各狀符葉虬鈕鐘無銘枚介鈺
間皆著虬紋糾結交錯隧擁亦如之鼓上復以蟠虬為
飾不設甬以虬為鈕蓋變古制也鳳鈕鐘無銘鈕飾以
鳳辟邪鐘無銘枚景皆作旋螺設辟邪以為鈕大呂鐘
無銘以上皆周鐘辟邪鐘無銘篆枚皆畫出兩銑微斂鈕作
辟邪環鈕鐘無銘用鐙為鈕而上無衡甬對螭鈕鐘無
銘無甬以兩螭為鈕而兩螭之首復相背其頸鬣間可
以置纓索枚作旋螺之狀鐘之兩面一作黃目一作螭

形饗饗鐘無銘甬中實而飾以夔紋鼓間為饗饗乳皆

平作旋螺紋

以上漢鐘

匾鐘三皆無銘甬虛中通篆帶鉦隧

皆無致飾獨前一器枚四十有八後二器枚各三十六

不列于鉦之兩旁而特在其上鼓之兩邊別飾雙睛睥

然如黃目形制特區

六朝鐘

拾遺記睥澤雕鐘睥澤出

精銅可為鐘 洞冥記建元時帝於騰光臺撞碧玉之

鐘 太平清話王莽地皇三年七月遣使者章邕賁黃

金白玉銅鐘五口贈三茅君 戴延之西征記洛陽太

極殿前左右各三銅鐘相對大者三十二圍小者二十
五圍博山頭紐作獅子身縷龍虎文章 陸翽鄴中記
銅鐘四枚如鐸形高二丈八尺大面廣一丈二尺小面
廣七尺或作蛟龍或作鳥獸繞其上 南部新書孫智
諒開元中于閭阜山掘得銅鐘一枚重百餘斤鐘下得
玉象三身因置閭阜觀 法苑珠林祇洹戒律院內有
銅鐘重三十萬斤四天王共造鐘形如吳地者四面有
日月星辰山川河海之象兼斗斛稱尺之形目連擊之

隨事所表聲出告之凡僧擊之但聲出而已其戒塲院
內復有金鐘重十萬斤形如盃器上有千輪王像九龍
八功德水種種諸相莊嚴此鐘劫初之時輪王所造又
論師院有一銅鐘形如腰鼓是乾闥婆王所造上有梵
王帝釋魔王四王八部男子等像又脩多羅院有一石
鐘形如吳樣如青碧玉可受十斛鼻上有三十三天像
四面以金銀隱起東西兩面有大寶珠陷在腹中大如
五升八角分曜狀如華形周匝作十方諸佛初成道像

集仙錄青童命東華王女煙景殊擊西盈之鐘

鐘異 山海經豐山有鐘九耳郭璞注霜降則鳴 異

苑西河有鐘在水中晦朔輒鳴聲響悲激羈客聞而悽
愴 東方朔傳武帝時未央宮殿前鐘無故自鳴三夜
三日不止上問朔對曰銅者土之子子母相感山恐有
崩弛者故鐘先鳴 異苑魏時殿前鐘無故大鳴張華
曰蜀銅山崩已而果然 晉書晉惠帝時殿前六鐘皆
出涕五刻而止 黎州圖經黎州聖鐘山古老傳此山

有鐘聞其聲而形不見南詔犯境鐘則預鳴唐天寶大和咸通乾符之載羣蠻來寇皆有徵也昔有名僧講大乘經論鐘亦震焉乾寧中刺史張惠安請門僧京師右街淨衆寺惠維講妙法蓮花經一遍此鐘頻鳴如人扣擊知向所傳者不謬矣 玉堂閒話吉州龍興觀有巨鐘上有文曰晉元康年鑄鐘頂有一竅古老相傳則天時鐘聲震長安遂有詔鑿之其竅是也天祐年中忽一夜失鐘所在至旦如故見蒲牢有血觀前大江數夜居

人聞江水風浪之聲至旦有漁者見江心有一紅旗水上流下漁者棹小舟往接取之則見金鱗光耀波濤洶湧漁者急迴始知蒲牢鬪傷江龍山堂肆考上猶東山寺有大鐘形旋如蛟一夕忽飛入寺前潭中遣没人出之則化為真蛟蜿蜒可怖至今潭中水泛數十里間其聲鏗然震動山谷時有見之者形猶鐘也又祁陽白鶴觀唐末有鐘重數百斤一夕震雷大雨鐘吼躍入江中後有客夜宿昭潭夢一道流曰吾祁陽白鶴觀道士

也欲歸久矣幸附後載客諾之達明解纜忽有鐘卧水
次上有字曰祁陽白鶴觀鐘客悟乃載以歸又贛州興
國縣大乘寺銅鐘宋紹興初忽一夕失之未幾文潭漁
者得一鐘鬻於天寶寺扣之無聲大乘僧詣天寶寺求
得之贖之不許乃約曰扣之不鳴即非大乘物扣之鳴
則是也天寶僧屢擊無聲大乘僧一擊即鳴遂載以歸

鐸

淮南子禹以五音聽治曰告寡人以事者振鐸周禮

鼓人以金鐸通鼓註鐸大鈴也與鼓相間凡樂舞必振
鐸為之節舞者視以為容也 正字通鐸形如小鐘中
空懸舌左右搖之以發聲 北堂書鈔鐸有金鐸木鐸
金鐸舌以金木鐸舌以木金鐸振武事者若司馬之孤
鐸撿鐸黃池之會官師振鐸是也木鐸振文事若書禮
所言狗以木鐸是也 博古圖栖鳳鐸有銘作鳳栖木
形雷柄鐸無銘 珍珠船海上漁人得一鐸擊之聲如
霹靂問博識者云始皇驅山鐸也 王廙傳晉陵有金

鐸之瑞郭璞云必致中興 晉書荀勗路逢趙賈人牛
鐸識其聲及掌樂音韻未調乃曰得趙之牛鐸則諧矣
遂下郡國悉送牛鐸果得諧者 古今五行記晉愍帝
時晉陵人掘得銅鐸五枚皆有龍虎形

鐸于 附鉦 鏡

博古圖周官謂鼓人以金鐸和鼓釋音以金鐸為鐸于
正謂是耳其製中虛椎首而殺其下去古既遠斯器蔑
聞知之蓋寡至六朝復得聞其器所以當時備充庭之

樂 南史廣漢什邡人段祖以鐸于獻始興王鑑古禮
器也高三尺六寸六分圍三尺四寸圓如筩銅色黑如
漆甚薄上有銅馬以繩懸馬令去地尺餘灌之以水又
以器盛水於下以芒莖當心跪注鐸于以手振芒則聲
如雷清響良久乃絕古所以節樂也 北史斛斯徵博

覽樂有鐸于者近代絕無此器有自蜀得之莫識斯徵
見之曰此鐸于也遂依于寶周禮注為芒筒振之其聲
極清衆乃歎服 博古圖虎龍鐸無銘飾以虎龍蓋以

虎龍之交邁陰陽相合之義也又著以風雲者則亦以雲從龍風從虎也山紋罇無銘以虺為鈕前後倣鐘之制作隧擁狀上有雲雷間錯純緣縻之以繩又有山紋聳然而起文鏤增華實晚周精工之制圜花罇無銘中設圜花下飾雲雷製作純古蓋周物也繫馬罇無銘鈕特作繫馬形龜魚罇無銘以獸為鈕頂間作龜魚形魚罇無銘罇佐鼓之器鼓陽也罇陰也此獨飾以魚者魚陰物柔巽隱伏隨陽上下亦取陽唱陰和之義雙魚罇

無銘以雙魚為飾鈕作螭虎魚取其和順螭虎取其制節鳳鐙無銘以鳳為鈕虎鐙七皆無銘形制皆同大小則異鈕俱作虎狀按虎西方義獸金屬也故于鐙有之雌鐙四皆無銘皆以雌為鈕雌用鼻禦雨智獸也蓋以飾之彛器之間以為法焉

鉦 古今樂錄鐙鉦也形如小鐘軍行為鼓節 博古圖瑟草鉦無銘所飾篆畫突起兩面狀獸首而中象黃目周以瑟草龜純鉦無銘瑞草鉦無銘上出柄而中空

正許慎所謂似鈴柄中上下通者是也無枚篆之飾其

兩面四周皆作瑞草隧鉦無銘柄

闕十字

蟠夔綦糾結

之狀雲雷鉦無銘以雲雷為飾雷紋鉦無銘通體周以雷紋每面作兩黃目獨柄純素無紋雲目鉦無銘內外遍飾雲紋或輕或重兩面各飾兩目上為雲翳四邊匝以連珠比百寶鉦為稍純質形制大槩相類通甬鉦無銘兩面作獸形突起蟠夔中設二目純緣間飾以雷篆其柄中通若鐘甬故目曰通甬鉦

鏡 博古圖鏡為止鼓之器樂記曰復亂以武武即鏡也以其舞畢而鳴鏡以治理之為亂也 古今樂錄鏡如鈴而無舌有柄而執之 博古圖漢舞鏡二其形上圜下方下作疏櫨中含銅丸謂之舌鼓動有聲許慎謂鏡小鉦也如鈴無舌鳴之以止擊鼓者也是器頗近其制而特有舌焉蓋欲便於作止不待擊而後鳴也

方響

三禮圖方響以鐵為之修九寸廣二寸圓上方下架如

磬而不設業倚架上以代鐘磬人間使用者纔三四寸合壁事類方響以纖鐵為之胡部無方響緣直板聲不應諸調 通典梁有銅磬則今之方響也以代磬

琵琶錄樂工廉郊師於曹綱精琵琶嘗於池上彈蕤賓調忽聞芰荷間有物跳躍出岸乃方響一片有知者識是蕤賓鐵也拍撥精妙致律呂相應物類相感 杜陽雜編太和九年宮人沈阿翹進白玉方響云妾本吳元濟妓濟敗以聲得為宮人方響元濟所與也光潔可照

十數步以犀為槌凡物有聲則響應其中架則雲檀香也王簡疑仙傳長安樂人鄭文家生一女生而能言及年七歲容貌端莊而善於方響其親族皆呼為方響女

磬

總論 釋名磬磬也其聲磬磬然堅緻也 初學記世本云無句作磬樂錄云磬叔所造未知孰是無句堯臣也羣書考索禮書曰句與叔非一人皇氏謂無句叔

之別名其說或然 傳玄七謨伯夔作磬遺響至今

白虎通磬者應夷則之氣象萬物之成 樂記石聲磬

磬以立辨辨以致死君子聽磬聲則思死封疆之臣

樂叶圖徵擊磬以知民磬音調則民道得 呂氏春秋

堯命夔拊石擊石以象上帝玉磬之音以舞百獸 淮

南子禹以五音聽政懸磬以待四方之士曰告寡人以

憂者擊磬 爾雅徒鼓磬謂之蹇 周禮磬氏為磬倨

句一矩有半其博為一股為二鼓為三 三禮圖股廣

三寸長尺三寸半十六枚同一筍簾謂之編磬 尚書

圖說經曰擊石拊石傳曰重擊曰擊輕擊曰拊磬有大
小故擊有輕重大磬即球也小磬即編磬也 博古圖
古之為樂者有黃鐘之磬則特垂其一而為一簾若特
鐘焉凡十有二數以為律之正聲而應月者也至於編
磬則每簾所垂之數十六蓋倍八音而成數者也其制
則中高而上大者為股其下而小者於所當擊則為鼓
上股下鼓分為倨句之勢以成磬而屬之於簾簾凡特

磬編磬大小雖殊其制一也 尚書徐州泗濱浮磬孔
安國註泗水中見石可以為磬也 山海經鳥危之山
其陽多磬石 東觀漢記王阜為重泉令鸞鳥集學宮
阜擊磬鸞集而舞 致虛閣雜俎磬曰洗東 合璧李
建勳目磬為泗濱友

名類 爾雅大磬謂之馨郭註馨形似犁鋤

鋤田器江以南呼犁

亦為鋤

以玉石為之孫炎云馨喬也謂其聲高也李巡云

大磬聲清燥故曰馨馨燥也 周禮注在東方曰笙磬

在西方曰頌

音庸磬

樂志八音二曰石為大磬為編磬

為歌磬

尚書戛擊鳴球注鳴球玉磬名

春秋傳魯

饑臧文仲以玉磬告糴於齊

博古圖雷磬二名以雷

者特取致飾其體有回旋之紋蓋非主乎聲也琥磬無
銘體作琥形故目之曰琥於虎之內又包一虎比肩而
行以示物得其性然也虎金屬而磬西北方之器故以
是飾之雲雷磬無銘形制狀獸鼓與股盡飾雲雷制作
典古 洞冥記漢武帝起招仙閣於甘泉宮西其上懸

浮金輕王之磬 漢武內傳西王母命侍女范成君擊

湘陰之磬 洞冥記建元時帝於騰光臺挂懸黎之磬

開元記楊妃善擊磬乃取藍田綠玉琢之備極精巧

幸蜀還乃送太常藏之 杜陽編同昌公主薨帝哀痛

令賜紫尼及女道冠擊歸天紫金之磬以導靈昇 研

北雜志張伯雨嘗移雷文魚磬擊之其音與律合 正

字通禮天子用玉磬諸侯用石磬後世玉石兼用如隋

唐間凡設於天地之神則用石宗廟朝廷則用玉其不

合於古制無疑及考博古圖所載周磬皆煎金鎔範非
玉非石或虎形或雷紋無磬氏倨句之法然則當周之
時先有金磬非自後代始也說者曰用銅取其久而不
變也為禮圖者泥昔人傳注之說臆度以成式如孟孟
之狀仰而繫其兩旁以屬於簏簏皆非古制也 珍珠

船磬有玉磬天球編磬離磬磬磬磬頌磬歌磬皆石部樂
梁因方響之製為銅磬南齊易更鼓為鐵磬則金部亦
有磬 紺珠銅鉢仰貯擊之如鐘聲釋氏亦名曰磬

筆記樂石有磬今浮屠持銅鉢亦名磬世人不識銅鉢而儒者往往不曉磬折義故不獨不識磬又不能知鉢矣續事始南齊置鐵磬即今之雲板也

異磬拾遺記浮瀛即瀛洲也上有青石可為磬磬長一丈而輕若鴻毛拾遺記顓頊有沈明之磬以羽毛

拂之則聲振百里石浮於水上如萍藻之輕取以為磬不加磨琢酉陽雜俎歷城縣光政寺有石磬形如半月扣之聲聞百里至北齊時移于都內其聲杳絕送歸

本寺其聲如故

格致鏡原卷四十五